



KEMENTERIAN KERJA RAYA  
MALAYSIA

# KENYATAAN MEDIA

## PERASMIAN JAMBATAN BATANG SADONG, KAMPUNG BULOH, SAMARAHAN, SARAWAK

Kota Samarahan, Sarawak: Pembinaan Jambatan Batang Sadong, Kampung Buloh, Samarahan, Sarawak adalah satu inisiatif kerajaan untuk memendekkan masa perjalanan dari daerah Asajaya / Sadong Jaya ke daerah Simunjan / Sebuyau. Jambatan ini juga adalah salah satu jambatan yang penting bagi melengkapkan jajaran jalan pesisir pantai di Negeri Sarawak.

Projek ini telah diluluskan lanjutan program walkabout YAB Perdana Menteri Malaysia di Negeri Sarawak pada tahun 2011. Kerajaan Persekutuan telah meluluskan peruntukan sebanyak RM231 juta untuk projek ini dan telah mula pembinaan pada bulan Julai 2012 dan ianya telah dibuka kepada orang ramai pada 16 Oktober 2016 dan telah dirasmikan pada hari yang bersejarah ini oleh YAB Perdana Menteri Malaysia. Dengan siapnya jambatan ini, ia merupakan jambatan terpanjang di Negeri Sarawak dengan kepanjangan 1.48 kilometer. Lebar jambatan ini adalah 11.5 meter dan mempunyai 2 lorong 2 hala.

Bagi memastikan keselamatan pengguna, Kementerian Kerja Raya bersama Jabatan Kerja Raya Sarawak terlebih dahulu telah menyempurnakan Road Safety Audit (RSA) untuk memastikan kesemua aspek daripada segi keselamatan telah disemak dan diperbetulkan bagi memastikan keselamatan pengguna yang akan menggunakan jambatan ini.

Dengan siapnya jambatan ini, pengguna tidak perlu menggunakan perkhidmatan feri bagi pergerakan merentasi sungai ini. Disebabkan oleh lebar sungai ini dan trafik yang tinggi, masa menunggu boleh mengambil masa yang lama. Perkhidmatan feri ini juga dipengaruhi oleh keadaan cuaca; apabila arus sungai adalah laju, pergerakan merentasi sungai mempunyai risiko yang tinggi kepada pengguna.

**KEMENTERIAN KERJA RAYA**  
**18 DISEMBER 2016**

Dikeluarkan oleh:

**Unit Komunikasi Korporat | Kementerian Kerja Raya Malaysia**

☎ : 03- 8000 8000 / D.L : 03-2771 4616 / 4627 | 📠 : 03-2711 1101

Laman Web : [www.kkr.gov.my](http://www.kkr.gov.my) |  Kementerian Kerja Raya |  @MOWorks |  Pro@kk.gov.my